

**Դրամաշնորհային աջակցություն «Մարդկային անվտանգության ծրագրերի» համար ՖՏ 2021:  
«Լոռու մարզում հանրային ավտոբուսի տրամադրման» ծրագրի եզրափակիչ արարողություն**

2022թ. օգոստոսի 29-ին Դեբեդ գյուղում տեղի ունեցավ «Լոռու մարզում հանրային ավտոբուսի տրամադրման» մինչև 91,206 ԱՄՆ դոլար ֆինանսավորմամբ՝ Մարդկային անվտանգության «Grassroots» ծրագրերի (ՖՏ 2021) համար դրամաշնորհային աջակցության եզրափակիչ արարողությունը:

Արարողությանը ներկա էին ՀՀ-ում Ճապոնիայի արտակարգ և լիազոր դեսպան պարոն Մասանորի Ֆուկուշիման, Ճապոնիայում Հայաստանի արտակարգ և լիազոր դեսպան պարոն Արեգ Հովհաննիսյանը, Լոռու մարզպետի տեղակալ պարոն Հովհաննես Ավետիսյանը, Փամբակի քաղաքապետ պարոն Սուրեն Կոստանդյանը. «Հայաստանի մանուկներ» բարեգործական հիմնադրամի գործադիր տնօրեն պարոն Կորյուն Խաչատրյանը, ինչպես նաև այլ շահառուներ:

Ծրագրի նպատակն էր բարեփոխել Լոռու մարզում տրանսպորտային ծառայությունների որակը և բարելավել մարզի բնակիչների, այդ թվում՝ հաշմանդամություն ունեցող անձանց կյանքի որակը: Վանաձորից դեպի Դսեղ երթուղու համար ավտոբուսի տրամադրման արդյունքում, ավելի քան 5000 շահառու, ներառյալ հաշմանդամություն ունեցող 50 բնակիչ կարողանալու են օգտվել ավելի լավ տրանսպորտային ծառայությունից: